

Luopiši sopoujint

Neriek, mažilieli, neriek!
Vēsē vēsē tavi mīlem.
Nogarelē tau pakasuom,
Traškanelēs tau iššloustuom.

Nieka nu tavēs mes neprāsuom –
Tiktā nezīsk, tiktā nepīk!
Kuošiu skaniū tau privērsem
I putrieliu dēdlē baltū.

Siaustovelēs švarē švarē
Tau išplausem ir išskalbsem
Moilās brongēs, kriautovēnēs,
Baltuoms kleva koltoveliems.

To tik auk, bet neskubiedams:
Vākū dēdlē trumpas dēinas!
Nepajusi, kāp anuos pralieks,
Vuo jau atgal neparlieks.